



## Universitätsbibliothek Paderborn

**Io. Francisci Leonis Eporediensis I. V. D. Episcopi  
Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

9 Pipinus, & Carolus Imperatores plura bona Ecclesiae Romanae donarunt.

**urn:nbn:de:hbz:466:1-10316**

Bardoris, deinde in Berceto, exinde in Parma, deinde in Regio, exinde in Mantua, atque in Monte Silicis, atque in provincia Venetiarum, & Istria, nec non & cunctum Ducatum Spoletanum, & Beneventanum, unà cum ecclesia Divæ Christinæ posita propè Paduam juxta Padum quarto milliario.

Item in partibus Campaniæ Soram, Arces, Aquinum, Arpinum, Theanum, & Capuam, nec non patrimonia ad potestatem, & dictionem ipsius Joannis Papæ pertinentia, sicut est patrimonium Beneventanum, & patrimonium Neapolitanum, & patrimonium Calabriæ superioris, & inferioris. De Civitate autem Neapolitana cum castellis, & territoriis, & finibus, & insulis suis sibi pertinentibus, sicut ad easdem respicere videntur. Nec non patrimonium Siciliæ, si Deus illud eidem Imperatori traderet manibus. Simili modo Civitatem Cajetæ, & fundum cum omnibus earum pertinentiis.

Præterea idem † Imperator obtulit beato Petro, eidemque Joanni Papæ, & successoribus suis pro remedio animæ suæ, suique filii, & suorum parentum de proprio ipsius Regno, civitates, & oppida cum piscariis suis, hoc est Reatem, Amiternum, Furconem, Nuriam, Baluam, & Marsim, & alibi civitatem Interamnam cum pertinentiis suis. Quas omnes supradictas Provincias, urbes, civitates, oppida, & castella, viculos, & territoria, simulque & patrimonia pro remedio animæ suæ, filii sui, ac parentum, & successorum suorum, & pro cuncto à Deo conservato, atque conservando Francorum populo, eidem Joanni Papæ XII. ejusque successoribus usque ad finem saeculi eo

modo confirmavit, ut in suo detineat jure, principatu, atque ditione, aliasque donationes confirmavit, ac privilegia, gratia que concessit, de quibus in litteris anno Incarnationis Dominicæ 962, die 13, mensis Februarii expeditis, & per eundem Othonem, & quamplures Episcopos, Abbatess, & Comites subscriptis, de quibus per Baron. Annal. 962, §. In nomine Domini, & seqq. tomo 20.

Diversa enim bona † Ecclesiæ Romanæ donata in dictis litteris comprehenduntur.

Primo enim Civitas Romana cum Ducatu suo, & aliis, de quibus supra in §. Otho enim, usque necnon, & in §. item in partibus, versc. nec non patrimonia, usque ad §. præterea. Dicta enim bona fuerunt sub ditione Papæ, & successorum confirmata, uti patrimonium antiquum Ecclesiæ Romanæ, de quo cum non constet ab aliis, quam à Constantino fuisse donata ex supra allegatis, calumniosè negatur ipsa donatio, quam Deus, ac mundus approbavit, & quam notorium est, facta fuisse, ac valuisse, quod omnes DD. Cæsarei, Pontificisque juris afferunt, testantur Corn. conf. 1, num. 9, vol. 3. Gozad. confil. 1, num. 33. & Burs. qui illam comprobata auctoritate quamplurium Sanctorum, atque Pontificum Sanctorum, atque Theologorum, Imperatorum, Historiographorum, atque utriusque Juris Doct. in eo conf. 124. à num. 38. usque ad finem.

Secundo donata † per Pipinum, & Carolum Imperatores, de quibus in eadem §. Otho enim, vers. nec non Exarchatum, usque ad dictum vers. Nec non patrimonium. Quæ omnia sic donata, cum aliis etiam donationibus fuerunt ab eodem

dem Othonem confirmata, ut in d. §. præterea, vers quas omnes.

<sup>10</sup> Tertiò t̄ comprehenduntur bona donata per ipsum Othonem, de quibus in eod. §. præterea, & donationes dictorum, & aliorum bonorum fuerunt confirmatae per Principes Imperii, anno 1179. ut supra in cap. i. n. 19. & seqq. Et postremo ab Henrico Imperatore, ut in d. Clem. unic. §. porr̄ prater, de jurejuran. Ab illo itaque tempore, quo Constantinus Ecclesiā dotavit, deinceps viri religiosi non solum possessiones, & prædia, quæ possidebant, sed etiam semetipſos Domino consecrarent, edificantes basilicas insuis fundis in honorem sanctorum Martyrum, percivitates, ac monasteria innumera, in quibus coetus Domino servientium conveniret, ut in d. cap. futuram, 12, q. 1.

Videntes autem summi Sacerdotes, & alii, atque Levitæ, & reliqui fideles plus utilitatis posse conferre, si hæreditates, & agros, quos vendebant, ecclesiis, quibus præsidebant Episcopi, traderent, eo quod ex sumptibus eorum tam presentibus, quam futuris temporibus, plura, & eleganteria ministrare possent fidibus communem vitam ducentibus, quam ex pretio ipſorum, prædia, & agros, quos vendere solebant, matricibus Ecclesiis tradere, & ex earum redditibus vivere cœperunt. Ipsæ verò res in ditione singularum Parochiarum, Episcoporum, qui locum tenent Apostolorum, erant, suntque ad præsens, ac futuris semper debent esse temporibus, ex quibus Episcopi, uti fideles dispensatores eorum, omnibus in communi vita degere volentibus, ministrare cuncta necessaria

debent, prout melius possunt, ut nemo in eis egens inveniatur. Ipsæ enim res fidelium oblationes appellantur, quæ à fidelibus Domino offeruntur. His ergo memoratis augmentationibus, in tantum ecclesiæ, quibus Episcopi præsident, domino adminiculante, creverunt, tantisque maxima pars earum rebus abundant, ut nullus in eis communem vitam gerens sit indigens, sed omnia necessaria ab Episcopo, suisque ministris percipiatur, ut cap. videntes, ead. 12. qu. 1.

<sup>11</sup> Clerici verò sacerdtales t̄ hodie tria genera bonorum possunt habere.

Primò patrimonialia, quæ per successionem, donationem, legata, aut alios contractus acquiruntur, cap. Episcopi, & cap. sicut manifesta, junctæ glossæ ead. quæst. 1, cap. 1, & cap. sicutum, ead. 12. quæst. 5, & cap. quia nos, exit. de testam.

Secundò habere possunt bona, quæ patrimonialia, quæ queruntur ratione ordinis clericalis, vel officii alia ratione quam juris percipiendi fructus beneficiorum, ut quæ percipiuntur in electionibus pro Missis celebrandis, confessionibus audiendis, & concione habenda, vel pro mercede officium capellani, vicecurati, aut vicarii temporalis, vel alios spirituales actus exercende. Innocentius in d. cap. quia nos, & ibi Host. Abb. in cap. cum officijs, num. 6, de testam. Franc. in rubr. eod. tit. in 6 col. 30.

Tertiò bona ecclesiastica, ut sunt redditus beneficiorum ecclesiasticon, qui quotannis percipiuntur, & quotidianæ distributiones, quæ occasione canonicatum, aut aliorum beneficiorum singulis diebus superluerantur, ut cap. predicta,